

後村集卷之五十九

長短句

賀新郎

吾少多奇節頗柳榆玉関定遠壺頭新息一劍防身  
行萬里選甚南溟北極看塞馬街來秋色不但梨棋  
夸妙手管城君亦自無勅敵終賈輩恐難匹酒腸  
詩膽新來窄向西風登高望遠亂山斜日安得良弓  
并快馬聊與諸公角力漫醉把闌干頻拍莫恨寒蟾  
離海晚待與君秉燭游今夕歡易買健難得

又送陳真州子華

北望神州路試平章這場公事怎生分付記得太行  
山百萬曾入宗爺駕馭今把作握蛇騎虎君去京東  
豪傑喜想投戈下拜真吾父談笑裏定齊魯兩河  
蕭瑟惟狐兔問當年祖生去後有人來否多少新亭  
揮淚客誰夢中原塊土算事業須由人做應笑書生  
心胆怯向車中閉置如新婦空目送塞鴻去

又杜子昕凱歌

盡說番和漢這琵琶依倚似曲驀然絃斷作麼一年  
來一度欺得南人枝短歎幾處城危如卯元凱後身  
居玉帳報胡兒休作尋常看布嚴令運奇算開門

決鬪雌雄判笑中宵奚車粘屋獸驚禽散箇箇巍冠  
橫塵柄誰了君王此段也莫靠長江能限不論周郎  
并幼度便仲尼復起嗟微管馳露布築京觀

又跋唐伯玉奏藁

宣引東華去似當年文皇親擢馬周徒步殿上風霜  
生白簡下殿扁舟已具怎不與官家留住古有一言  
腰相印誰教他滿篋嬰鱗疏還笏退不迴顧新來  
邊報尤飛羽問諸公可無長策少寬明主攀檻朱雲  
頭雪白流落如今底處但一片丹心如故賴有越臺  
堪眺望那中原莫已平安否風色惡海天暮

又送唐伯玉還朝

驛騎聯翩至道臺家籌邊方急酒行姑止作麼携將  
琴鶴去不管州人墮淚富貴與平生無味可但紅塵  
難着脚便山林未有安身地搔白髮兀相對 前身  
小范疑公是憶當年天章閣上建白尤偉慶曆諸賢  
方得路便不容他老子須著放延州城裏一句慙勤  
牢記取在朝廷最好圖西事何必向玉關外

又送黃成父還朝

飛詔送天下道中朝名流欲盡君王思賈時事祇今  
堪痛哭未可徐徐俟駕好着手扶將宗社多少法筵

龍象衆聽靈山祝付些兒話千百世要傳寫 子方  
行矣乘驄馬又送他江南太史去游玷履老我伴身  
惟有影倚徧風軒月榭悵玉手何時重把君向柳邊  
花底問看貞元朝士誰存者桃滿觀幾開謝

又戊戌壽張守

南國秋容晚曉寒輕菊花臺榭拒霜池館試向壺山  
堂上望萬頃黃雲刈遍總吃着君侯方寸不要漢廷  
誇擊斷要史家編入循良傳春脚到福星現 家家  
香火人人願要還它慶元狻座建炎蟬冕穩奉安輿  
迎兩國誰謂山遙水遠福壽比河沙難算來歲而今

涉本集  
黃花節早驟驚入侍瑤池宴風浩蕩海清淺

又端午

深院榴花吐  
画簾開練衣  
紙扇午風清  
暑兒女紛紛  
夸結束新樣  
釵符艾虎  
早已有游人  
觀渡老大逢場  
慵作戲任陌頭  
年少爭旗鼓  
溪雨急浪花舞  
靈均  
標致高如許  
憶生平既紉  
蘭佩更懷椒  
糝誰信騷魂  
千載浚波底  
垂涎角黍  
又說是蛟饒  
龍怒把似而今  
醒到了料當年  
醉死差無苦  
聊一笑吊千古

又九日

湛湛長空黑  
更那堪斜風  
細雨亂愁如  
織老眼平生

空四海賴有  
高樓百尺看  
浩蕩千崖秋  
色白髮書生  
神州淚俱淒  
涼不向牛山  
滴追往事去  
無迹少年  
自負凌雲筆  
到而今春華  
落盡滿懷蕭  
瑟常恨世人  
新意少愛說  
南朝狂客把  
破帽年年拈  
出若對黃花  
孤負酒怕黃  
花也笑人岑  
寂鴻北去日  
西匿

又寄題聶侍  
郎鬱孤臺

絕頂規危榭  
跨高寒鳥飛  
不過雲生其  
下斤斲無聲  
人按堵翕習  
青紅變化覽  
城郭山川如  
画閣老鳳樓  
修造手笑談  
間突出凌雲  
厦臺上景買  
無價唾壺  
塵尾登臨暇  
似當年滁陽  
太守歐陽公  
也傾倒贛江

供硯滴判斷雪天月夜更喚取鄒枚司馬銅雀凌敲  
歌舞散訪殘碑斷甃無存者餘翰墨被風雅

又

動地東風起面橋西遠溪桑柘漫山桃李寂寂墻陰  
蒼苔運尤印前回履齒驚歲月飈馳雲駛太息攀翻  
長亭樹是先生手種今如此君不樂欲何俟 傍人  
錯會淵明意笑斯翁皇皇汲汲登山臨水佳處徑呼  
籃輿去髻髻柴桑栗里送我者門生兒子常試平章  
先賢傳屈原醒不似劉伶醉判醕酹卧花底

又宋庵訪梅

鵲報千林喜還猛省謝家池館早寒天氣要與瑤姬  
叙離索草草杯盤藉地悵減盡何郎才思不願玉堂  
并金屋碩年年歲歲花間醉餐秀色挹高致 西園  
飛蓋東山妓問何如半山雪裡孤山烟外管甚夜深  
風露冷人與長餅共睡任翠羽枝頭多事老子平生  
無他過為梅花受取風流罪簪白髮莫教墜

又

溪上收殘雨倚画欄薄綿乍脫日陰亭午鬧市不知  
春色趣散在荒園廢墅漸小白長紅無數客子雖非  
河陽令也隨綠暫作鶯花主那可負甕中醕 碧雲

日合千巖暮恨匆匆余方有事子姑歸去趁取羣芳  
未落搖暇日提魚就煮歎激電光陰如許回首明年  
何處在問桃花尚記劉郎否公莫笑醉中語

又和詠茶蘼

曾與瑤姬約恍相逢翠裳搖曳珠鞵聯絡風露青冥  
非人世攬結玉龍驂鶴愛萬朵千條纖弱禱祝花神  
憐惜取到開時晴雨須斟酌枝上雪莫銷却惱人  
匹似中狂藥凭危欄燭光交映樂聲遙作身上春衫  
香熏透看到參橫月落筭茉莉尤低一着坐有維山  
王郎子倚玉簫度曲難為酢君不飲鑄成錯

又用前韻賦黃荼蘼

想赴瑤池約向東風名姬駿馬翠鞵金絡太液池邊  
鵝羣下又似南樓呼鶴画不就穠纖嬌弱羅帕封香  
來天上瀉銅盤沆瀣供清酌春去也被留却芳魂  
再反應無藥似詩詠綠衣黃裳感傷而作愛惜尚嫌  
蜂採去何況流鶯蹴落且放下珠簾遮着除却江南  
黃九外有何人敢與花酬酢君認取莫教錯

又再用約字

淺把宮黃約細端相普陀烟裏金身珠絡萼綠華輕  
羅襪小飛下祥雲仙鶴朵朵賽蜂腰纖弱已被色香

撩病思佟鵝兒酒美無多酌者不足怕殘却 人問  
難得傷春藥更枝頭流鶯喚起少年狂作留取姚家  
花相伴羞與萬紅同落未肯讓臘梅先着樂府今無  
黃卷手問斯人清唱何人醉休草草認題錯

又 客贈芍藥

一夢揚州事畫堂深金瓶萬朵元戎高會座上祥雲  
層層起不減洛中姚魏歎別後闌上迢遞國色天香  
何處在想東風尤憶狂書記驚歲月一彈指 數枝  
清曉頰馳騎向小牕依稀重見蕪城妖麗料得花憐  
儂銷瘦儂亦憐花憔悴漫悵望竹西歌吹老矣應無

騎鶴日但春衫點點當時淚那更有舊情味

又 郡宴和韻

草草池亭宴又何須珠鞵絡臂琵琶遮面賓主一時  
詞翰手倏忽龍蛇滿案傳寫處塵飛鷲嘯但得時平  
魚稻熟這腐儒不用青精飯陰霧掃霽華見 使君  
償了豐年願便送今也無敲朴也無厨傳試拂籠紗  
看壁記幾箇標名渠覲想九牧聞風爭羨此老飽知  
民疾苦早歸來載筆薰風殿詩有諷賦無効

又再和前韻

夢斷釣天宴恠人間曲吹別調局翻新面不是先生

看啞了怕殺烏臺舊案但掩耳蟬嘶禽嘒老去把茅  
 依地主有瓦盆盛酒荷包飯停造請免朝見 少狂  
 誤發功名願苦會他生前死後美官佳傳白髮歸來  
 還自笑管轄希夷古觀看一道水街堪羨妃子將軍  
 嗔未已問匡山何似金鑿殿休更待杜鵑叨

又題蒲澗寺

風露驅炎毒記仙翁飄然謫墮吹笙騎鶴歷歷漢初  
 秦季事山下瓜尤未熟過眼見羣雄分鹿想得拂衣  
 游汗漫試回頭劉項俱蠻觸斫鯨鯨脯麟肉 越人  
 好事因成俗擁遨頭如雲士女山南山北問訊先生

無恙否齊魯干戈滿目且遊戲扶胥黃木不是世無  
 瓜樣棗便有來肯飽瘵兒腹聊舉酒笑相屬

又 玉貫之喜予出嶺命愛姬  
 歌新詞以相勞輒次其韻

此腹无空洞少年時諸公過矣上天吹送老大被他  
 禁害殺身與浮名孰重這鼓笛休休拈弄絲筆擲還  
 殘錦去 用江淹鮑照事願今生來世無妖夢且飭犢莫吞鳳  
 新來啞啞如翁仲羨玉郎驂鸞縹緲玉簫吹動應笑  
 夔州村裏女炙面生愁進奉要絕代傾城安用今古  
 何人知此理有吾家酒德先生頌三萬卷謾充棟

又 蒙恩主崇禧  
 再用前韻



王判菴君洞有簷問查查喜鵲曉未傳遞幾度黃符

披戴了此度君恩越重僕五任祠廟一南岳二仙被都三玉句四云臺五崇禧

賀監天隨調弄做取散人千百歲笑渠儂一霎邯鄲

夢歌而過鳳兮鳳 灌園織屨希陳仲問先生加齊

卿相可無心動除却醴泉中太乙揀箇名山自奉那

提徑輸它藏用有耳不曾聞黜陟免教人眨駮徂徠

頌服蘭佩結茅棟

又三和

謫下神清洞更遭字柳榆點鬼路傍遮送薄命書生

雞肋尔却笑尊拳感重破故紙誰教繙弄一枕茅簷

春睡美便周公大聖何須夢門前客任題鳳 卜隣

羊仲并求仲願春來西疇雨足土膏犁動白髮巡官

占歲稔不問京房翼奉禊與甕從今無用醉與老農

同擊壤莫隨人投獻嘉禾頌在陋巷勝華棟

又席上聞歌有感

妾出于微賤小年時未絃彈絕玉篁吹遍粗識國風

閑睂亂羞學流鶯百轉惚不涉閨情春怨誰向西隣

公子說要珠鞍迎入梨花院身未動意先懶 王家

十二樓連苑那人人靚粧按曲繡簾初卷道是華堂

簫管唱笑殺街坊拍哀迴首望侯門天遠我有平生

離鷺標頰衰而不愠微而婉聊一奏更三嘆

又生日用實之末韻

鬢雪今千縷更休休瘕心欲望故人明主晚學瞿聃  
無所得不解飛昇滅度侶曉鼓鼙鼙槩五散盡朝來  
湯餅客且烹雞要餽茅容母怕迴首太行路 麟臺  
學士微雲句便尊前周郎復出審音無誤安得春鶯  
雪兒輩輕拍紅牙按舞也莫笑儂家蠻語老去山歌  
尤協律又何須手筆如燕許援琴操促箏柱

又再用前韻

放逐身縑縷被門前羣鷗戲狎見推盟主若把士師

三黜比老子多他兩度袖手看名場呼五不食車邊  
望塵拜免它年青史羞潘母勾曲洞是歸路 平生  
怕道蕭蕭句况新來冠歌弁側醉人多誤管甚是非  
并禮法頓足低叩起舞任百鳥喧啾春語欲托朱絃  
寫悲壯這琴心脉脉誰堪許君按拍我調柱

又實之三和有慶邊  
之語走筆答之

國脉微如縷問長纓何時入手縛將戎主未必人間  
無好漢誰與寬些尺度試看取當年韓五豈有穀城  
公付授也不干曾遇驪山母談笑起兩河路 少時  
棋枰曾聯句歎而今登樓攬鏡事机頻誤聞說北風

吹面急边上衝梯屢舞君莫道投鞭虛語自古一賢  
能制難有金湯便可無張許快投筆莫題柱

又四月縷字韻  
為王實之壽

萬字如鍼縷憶王郎丹墀大對氣為文王肯近修觀  
俱失色仰止如天聖度笑杜牧成名居五晚面清光  
尤苦諫似封人愜切言君毋謫塵世錯行路 當時  
宜和薰風句又那知青雲一跌被才名誤輸與靈和  
殿前柳柔軟隨風學舞恠兩鳥新未停語不是先生  
高索價問何時宰相先生許舉杯祝莫傾柱

又實之用前韻為  
老者壽戲答

身畔無絲縷但送前練裳練悅做他家主甲子一周

加二紀兔走烏飛幾度賽孔子如來三五徐陵云小

多孔子三年鶴髮蕭蕭無可截要一杯留客慙陶母門外

草欲迷路 朗吟白雪陽春句待夫君驪駒不至鵲

聲還誤老去聊攀萊子例倒着斑衣戲舞記田舍火

爐頭語附後黃金腰下印有高堂未敢將身許且扇枕

莫倚柱

又張侔生日

鞏路東風裏試回頭金閨昨夢侵尋三紀歲晚歸然  
靈光殿僕與君侯而已漫過眼幾番桃李珠履金釵

常滿座問誰人得似張公子馳騁駉佩龜紫宿雲  
收尽簷聲止玳筵開高臺風月後堂羅綺恰近洛人  
脩禊節莫惜飛觴臨水怕只怕追鋒微起此老一生  
江海客願風雲際會從今始寧鬱鬱久居此

又九日與二弟  
二客却行

老去光陰駛向西風疎林變纈殘霞成綺尚書暮年  
腰脚健不愛登山臨水笑自古英雄能幾客與相公  
俱臭腐獨流傳吹帽狂生尔後來者亦犹此 籃輿  
伊軋柴桑里問黃花没些消息空籬而已賴有一般  
芙蓉月偏照先生懷裏且覓箇欄干同倚檢點尊前

誰見在憶平生共挿茱萸底歡未足飲姑止未章追懷無競

處和一  
二弟

又已未九日同季弟子任飲會部弟兄庵良翁宮教未會

憶昔俱年少向斯晨登高懷古賦詩舒嘯追數樽前  
挿花客人物並皆佳妙禁幾度西風殘照元子寄奴  
曾富貴到而今一一消磨了君不樂後人笑 山南  
山北添華表歎歸來謝池草合黃臺瓜少老去受持  
齊物論誰管彭殤壽久待細說教天知道不羨兩蘇  
井二宗願弟兄歲歲同吹帽杯到手莫辭醕

又居厚良翁皆  
和余亦繼作

吹面急边上衝梯屢舞君莫道投鞭虛語自古一賢  
能制難有金湯便可無張許快投筆莫題柱

又四用縷字韻  
為玉實之壽

萬字如鍼縷憶王郎丹墀大對氣為文王貴近傍現  
俱失色仰止如天聖度笑杜牧成名居五晚面清光  
尤苦諫似封人懷切言君毋謫塵世錯行路 當時  
宜和薰風句又那知青雲一跌被才名誤輸與靈和  
殿前柳柔軟隨風學舞惟兩鳥新未停語不是先生  
高索價問何時宰相先生許舉杯祝莫傾柱

又實之用前韻為  
老者壽戲答

身畔無絲縷但送前練裳練悅做他家王甲子一周

加二紀兔走烏飛幾度賽孔子如來三五徐陵云小

多孔子鶴髮蕭蕭無可截要一杯留客慙陶母門外

草欲迷路 朗吟白雪陽春句待夫君驪駒不至鵲

聲還誤老去聊攀菜子例倒着斑衣戲舞記田舍火

爐頭語附後黃金腰下印有高堂未敢將身許且扇枕

莫倚柱

又張侔生日

輦路東風裏試回頭金閨昨夢侵尋三紀歲晚歸然  
靈光殿僕與君侯而已漫過眼幾番桃李珠履金釵

常滿座問誰人得似張公子馳驥馭佩龜紫宿雲  
收盡簷聲止玳筵開高臺風月後堂羅綺恰近洛人  
脩禊節莫惜飛觴臨水怕只怕追鋒微起此老一生  
江海客願風雲際會從今始寧鬱鬱久居此

文九日與二弟  
二客郊行

老去光陰駛向西風疎林變纈殘霞成倚尚書暮年  
腰脚健不愛登山臨水筭自古英游能幾客與相公  
俱臭腐獨流傳吹帽狂生尔後來者亦犹此籃輿  
伊軋柴桑里問黃花沒些消息空籬而已賴有一般  
芙蓉月偏照先生懷裏且覓箇欄干同倚檢點尊前

誰見在憶平生共挿茱萸底歡未足飲姑止未章追  
懷無耗

處和一  
二弟

又已未九日同季弟子侄飲倉  
部弟允庵良翁宮教來會

憶昔俱年少向斯晨登高懷古賦詩舒嘯追數樽前  
挿花客人物並皆佳妙禁幾度西風殘照元子寄奴  
曾富貴到而今一一消磨了君不樂後人笑山南  
山北添華表歎歸來謝池草合黃臺瓜少老去受持  
齋物論誰管彭殤壽夭待細說教天知道不羨兩蘇  
并二字願弟兄歲歲同吹帽杯到手莫辭醕

文居厚良翁皆  
和余亦繼作

何必遊嵩少屋邊山松風浩蕩虎龍吟嘯舊喜楚人  
悲秋作晚愛陶詩高妙髮如此臨流羞照屈指向來  
夸毗子被西風一筆都勾了曾不滿達人笑 當年  
玉振于江表帳而今老身空在歎全少假使真如  
彭祖壽蒙叟尤嗤渠夫偶落筆不經人道歲晚連床  
談至曉勝岡頭出沒看烏帽君舉白我頻醕

又 三用韻

人老難重少強追陪李侯痛飲劉郎清嘯興兄弟也報  
答秋光無一字虛說君房語妙且匣起青銅休照賴  
有多情籬下菊待西風不肯先開了留晚節發孤笑

璋客紹衡依表有誰憐戴花翁病插萸人少生不  
逢場則鬧劇年似蠶生猶天吃緊處無人曾道到得  
扶他迂叟出筭貂蟬未抵深衣帽街酒賤更沽醕

又 四用韻

尤記臣之少興狂時過陳遵飲對孫登嘯歲晚登臨  
多感慨但覺齊山詩妙任蓉月柳風吹照金印不來  
丹飛去擬神仙富貴都差了空鑄錯與人笑 九年  
前拜懸車表試回看紫桑菊老玄都花少周也曾言  
殤子壽佛以白頭為天未得平生心未後句巖頭曾  
白頭亦為天  
道頭似秃鷲巾裘懶家不宜蟬冕宜僧帽杯中物直

須臾

又五用韻讀坡公和陶詩其九篇為重九作乃叙坡事而賦之

行樂尤宜少憶坡仙洞簫聽罷剛然長嘯四海共知  
霜鬢滿莫問近來何妙也不記金蓮曾照老沒太官  
餠酒分把茱萸便準登高了齊得喪等嘻笑 集無  
韓子潮州表數當時南遷者眾北歸人少赤壁玉堂  
均一夢此豈蛮煙能天與同叔俱常知道誰向進賢  
冠底說畫出來不似眉山帽秋菊殘獻公醕

又六用韻叙謫仙事為官教兄壽

鵬賦年尤少 初為大鵬過希有鳥賦晚飄蓬夜郎秋後年少作改為大鵬賦

浦漁歌猿嘯 猿嘯風中斷漁歌月下聞見太白詩 駿馬名姬俱散去參

透南華微妙歛萬丈光芒迴照妃子將軍嗔箇甚老

先生拂袖金閨了供玉齒粲然笑 解驂賴有汾陽

表歎今人布衣交薄緜袍情少黃祖斗筲何足算鸚

鷓才高命天與賀監其歸同道脫下錦袍與獸底謫

仙人白苧烏紗帽 題太白像烏紗巾白苧袍 邀素月入杯醕

又傳相生日壬戌

低局從頭錯解危機除非喚取國棋來着不信胡兒

能膽大南岸安他陣脚談笑裏烏巢空幕西起岷峨

東海岱有捷旗露布無宵柝葦渭後到秋壑 淮田



後村集 卷五十九  
犁遍吳田穫問臺家山河宇宙是誰擎托自蒼懷中  
殘錦尽采色彰施枝薄視柳雅韓碑矐若稽首魯公  
黃髮頌世何人堪繼奚斯作楚狂語莫剛却

又 癸亥九日

宿雨輕飄灑少年時追懽記節同人于野老去登臨  
無脚力徒倚屋東離榭但極目海山如画千古惟傳  
吹帽漢大將軍野馬塵埃也須綵筆為陶寫 鶴歸  
舊里空悲唳歎原頭累累高冢洛英凋謝留得香山  
病居士却入漁翁保社悵誰伴先生情話樽有蒲萄  
簪有菊西涼州不似東籬下休喚醒利名者

又

拂袖歸來也懶追陪竹<sup>林</sup>嵇阮蘭亭王謝誰與此翁相  
煖熱賴有平生伯雅且放意高吟閒話山鳥山花皆  
上客又何須勝似公榮者曾磊隗揔澆下 盤龍瘦  
絕求鵝肉這先生黃齏麪熟味珍無價酒頌一篇差  
要妙莊列諸書土苴任禮法中人嘲罵君特未知其  
趣耳若還知火急來投社共求燭惜今夜

又 甲子端午

過眼光陰駛憶垂髫留連節物逢場游戲初試練衣  
弄紈扇闢採菖蒲澗裏今髮白顏蒼如此艾子蕭郎

方用事恠先生苦死 紉蘭芷君不樂欲何俟 頭標  
奪得羣兒喜向溪邊傍 覩助譟嘆吾衰矣 欲建鼓旗  
無氣力喚起龍泉改委水心評余詩有建大將但酒  
戶加封而已去秋裡需余說覺醉鄉差快活那獨醒  
公子真歎底聊洗淨笛箏耳

又二鶴

家有仙禽二早追隨先生杖屨五鄉童子旦旦池邊  
三熏沐夜夜山中警睡且伴我人間遊戲此老平生  
衣大陸到未梢始憶華亭唳評往事敗佳思 古云  
鶴壽誰能紀歎歸來山川如故人民非是但願王君

高飛去莫愛乘軒祿位更賽過令威千歲假使焦山  
元羽化待華陽真逸銘方瘞我拍手渠展翅

洞仙歌癸亥生朝和居厚弟韻題詞仙像

上林全樹曾借君栖宿朝過瑤臺暮羣玉忽翩然脫  
下宮錦袍未却向齊州受籙 等閑揮醉筆效唾千  
篇長與詩家富膏馥身是酒星文星剛被時人喚做  
禁中頗牧便散髮騎鯨去何妨送我者誰歟安期徐  
福

又和居厚弟韻

眇難攬鏡跛尤難穿履懶飲胡公菊潭水信醫言斷

後村集 卷之六  
了重碧輕紅禁害殺不遣高吟大醉 古來希七十  
添許多年贏得幾天致君事莫問客去門前金尽床  
頭留宝扇御詩珍閱時昔慕車崖老尚書到晚節依  
係有些兒似

後村集卷之五十九

後村集卷之六十

長短句

八聲甘州 馬

物微生處遠往還來非但稻梁求似愛長安日怕陰  
山雪善自為謀箇裏幸無鳴鏑隨意占沙洲歸興何  
妨待風景和柔 昔到衡陽迴去今隨陽避地徧海  
南頭與西州流寓彼此各落留未得雲中消息登望  
鄉臺了又登樓江天闊幾行草字字字含愁

燭影搖紅 用林卿韻

拙者平生不曾乞得天孫巧那迴忝扈屬車來豈是

齊卿小此膝不曾屈了更休文腰難運掉前賢樣子  
表聖宜休申公告老涼簟安眠絕勝儻直鈴聲掩  
集中大半是詩詞幸沒潮州表月夕花朝咏嘯歎人  
間愁多樂少蓬萊有路辨箇舡兒逆風也到

祝英臺近

雨淒迷風料峭情緒被花惱白白紅紅滿地没人掃  
可堪解珮盟寒墜樓命薄更杜宇枝頭悶燭綠陰  
遶青帝結束匆匆轉眼朱明了怕與春辭若等玉山  
倒後期寬做明年春年年好却不道明年人老

最高樓 戊戌自壽

南嶽後累任作祠官試說與君看仙都玉局終交卸  
新街又管華州山恠先生吟胆壯飲腸寬去歲擁  
旌旗稱太守今歲帶笈簪稱漫叟慵入鬧慣投閑有  
時拂袖尋種放有時携枕就陳搏任傍人嘲潦倒笑  
癡頑

又題周登樂府

周郎後直數到清真君莫是前身八音相應諧韶樂  
一聲未了落梁塵笑而今輕郢客重巴人只少箇  
綠珠橫玉笛更少箇雪兒彈錦瑟欺賀晏壓黃秦可  
憐樵唱并菱曲不逢御手與龍巾且醉眠蓬底月甕

問春

又乙卯生日

吾衰矣百事且隨緣  
隻字不牋天  
幾曾三宿為歸計  
更已一歲是希年  
記兒時聞父祖說  
隆乾我不與  
少年爭遇合  
你莫共老僧爭  
戒臘靴皺面  
雪垂肩  
錦袍奪去饒之問  
虎皮撤起付伊川  
刺字身無長物可  
飛仙

又

吾衰矣不慕勅燕然  
不愛画凌煙  
此生慙愧支離要  
何功消受水衡錢  
錯教人占卦氣  
算流年  
謾摘取

野花簪一朶  
更揀取小詞填  
一箇晞素髮  
煖丹田  
羅浮杖勝如旌節  
華陽巾不減貂蟬  
這先生非散聖  
即懼僊

又

辛亥後六請挂衣冠  
甲子始休官  
白駒恰則未空谷  
青牛早已出函關  
笑狂生還笏  
易上竿難也  
莫愛  
宮中稱內相也  
莫愛堂中呼六丈  
但禱祝要癡頑  
懶揮玉斧重修月  
不扶鉄拐全登山  
免飛昇長快活  
戲人間

又

後村集

卷之三

三

後村集

德林集  
臣少也豪舉泛星槎飄逸吐天葩穆陵誤獎推儒宿  
龍泉曾喚做行家今耄矣文跡蕩字麻茶 同隊者  
多為公與相庶生裏都無兄與丈生有限望尤奢補  
還瞎子重開卷放教跛子出看花地行仙疑是汝不  
爭些

又林中書生日

金蘭秀荷蕢過山前把釣坐溪邊呼來毋得天顏笑  
放歸尤作地行仙休教人嗔避俗謗逃禪 且緘了  
淳夫三昧口更袖了坡公三制手寧殿後不爭先小  
于衛武二十歲大于絳老兩三年這高名并上壽幾

人全

風入松 福清道中作

橐泉夢斷夜初長別館淒涼細思二十年中事歎人  
琴已矣俱亡改盡潘郎鬢髮銷殘荀令衣香 多年  
布被冷如霜到處同床簫聲一去無消息但回首天  
海茫茫舊日風煙草樹而今總斷人腸

又同前

歸鞍尚欲小徘徊逆境難排人言酒是銷憂物柰病  
餘辜負金罍蕭瑟搗衣時候淒涼鼓缶情懷 遠林  
搖落晚風衰野店尤開多情惟是燈前影伴此翁同

去同未逆旅主人相問今迴老似前迴

又

癸卯至石塘題  
和十五年韻

殘更難睚抵年長曉月凄凉芙蓉院落深深閉歎芳  
卿今在今亡絕筆無求皇曲瘦心有返魂香 起未  
休緝鬢邊霜半被堆床定歸兜率蓬萊去奈人間無  
路茫茫緣斷謾三彈指憂來欲九迴腸

又

攀翻宰樹暫徘徊草草安排昔人徒步陳雞絮愧公  
家僕馬觥壘華表舊愁滿目黃梁殘夢傷懷 欲將  
莊列等歡哀對卷慵開憑高指點虛無路問何年遼

鶴歸未宿酒得風漸解小輿待月同迴

臨江仙

戊申和實之灯夕

玉遂鈿車當日事東塗西抹都曾等閑曲子壓和凝  
曲子相公縱遊非草草已醉強惺惺 今向三家村送老  
身如罷講吳僧高樓百尺不須登半炉燒葉火一瓊  
勘書燈

又縣圃種花

落魄長官江海客少豪萬里尋春而今憔悴尚溪濱  
斷無觴詠興惟有簿書塵 手插海棠三百本等閒  
妝點芳辰他年絳雪映紅雲丁寧風與月記取種花

人

又庚子重陽余以漕攝帥會前帥唐伯玉前漕黃成父子越王臺明年是日寓海豐縣驛作

去歲越王臺上飲席間二客如龍憑高吊古壯懷同  
馬嘶千嶂暮樂奏半天中今歲三家村市裏故人  
各自西東菊花時節酒樽空可憐雙雪鬢禁得幾秋  
風

又潮惠道中

不見仙湖能幾日塵沙變尽形容夜來月吟露華濃  
都忘茅屋下但記画舫中兩岸綠陰无未合更須  
補竹添松最憐幾樹木芙蓉手栽幾數尺別後為誰

紅

浪淘沙 丁未生日

去歲詣公車天語勤渠絳紗玉斧照寒儒恰似昔人  
曾夢到帝所清都骨相太清臞謫墮洵更今年黃  
初換稱呼只為此翁鬢霜秃老不中書

又

早歲類寒蛩晚節遭逢曾開黃卷侍重瞳歸去青藜  
光照牖堦藥翻紅出畫頗忽忽玉眷尤濃除官全  
似紫陽翁漳州文換箇新街頭面改又似包公辭郡得

又

後村集



後村集 卷六  
紙帳素屏遮全似僧家無端霜月闌牕紗喚起玉闌  
征戍夢幾疊寒砧 歲晚客天涯短髮蒼華今年衰  
似去年些詩酒新未俱倚閣孤梅花

又

疊嶂碧周遮游子思家掩箴白髮懶烏紗落日倚樓  
千萬恨社鼓城笳 老去淡生涯虛擲年華臘茶盃  
子太清些待得癡兒公事畢謝了梅花

又素馨

目力已茫茫縫菊為囊論衡何必帳中箴却愛素馨  
清鼻規椽伴禪床 風露送新涼山麝開房旋吹銀

燭閉華堂無柰紗幮遮不住一地聞香

鳳凰閣 生日用倉部弟韻

元規端委得似幼與丘壑人言此輩宜高閣幾載種  
天隨菊來龐公藥龍尾道難安汗脚 浮榮菌蕈選  
甚庶官從橐對床句子真佳作安用羨伊結駟嘆儂  
羅爵呼便了沽來共酌

法駕導引

樵柯爛丹竈熟一跳出紅塵斗紫一雙龍奮螯帝青  
九萬里為程赤脚踏層雲 鞭馮上騎麟下髻鬢觀  
崑崙灑馬鬣泉蘇赤地翻蟾滴水漲滄溟笑殺惜仙

人

一剪梅 袁州解印

陌上行人恠府公，還是詩窮還是文窮。下車上馬太匆匆，來是春風去是秋風。階銜免得帶兵農，嬉到昏鍾睡到齋鍾。不消提嶽與知宮，喚作山翁喚作溪翁。

又 余赴廣東實之 夜餞于風亭

東縕宵行十里強，挑得詩囊拋了衣裳。天寒路滑馬蹄僵，元是玉郎來送劉郎。酒酣耳熱說文章，驚倒隣牆推倒胡床。傍觀拍手笑踈狂，踈又何妨狂又何妨。

妨

踏莎行 甲午重九 中山作

日月跳丸光陰脫兔，登臨不用深懷。古向來吹帽插花人，盡隨殘照西風去。老矣征衫飄然客路，炊煙三兩人家。住欲携斗酒答秋光，山深無覓黃花處。又 巧夕

驅鵲營橋呼蟾出海，朝朝暮暮遙相望。誰知風雨此時來，銀河便有些波浪。玉兔迷離金雞嘲啗，二星無語空惆悵。元來上界也多魔，天孫長怨牽牛曠。

玉樓春 歲林推

年年躍馬長安市客舍似家家似寄青錢換酒日無  
何紅燭呼盧宵不寐易挑錦婦机中字難得玉人  
心下事男兒西北有神州莫滴水西橋畔淚

鵲橋仙 戊戌生朝

金風浙浙銀河淡淡長少羣賢畢會平生心事翹生  
知恠此夕惺惺相對 玄花生眼新霜點髮不肯遮  
歲老態人間何處有仙方擘劖得二三百歲

又 桃巷弟生日

御屏錄了冰衙換了酷似香山居士草堂丹竈莫留  
它且領取忠州刺史 移來芳樹摘來珍菓壓盡未

禽青李三千年一薦金盤又不是玄都栽底

又 答桃巷弟和篇

閣中芸冷硯中桃謝誰問貞元朝士吾宗一句可書  
紳但記取毋汙青史張幾告不交平勃不游田廩  
也不朋他牛李平章此老似何人似洛社戴花舞底

又 林侍郎生日

出通明殿入耆英社誰似侍郎洪福掌中元自有三  
珠更檢校諸孫夜讀 管他萊相管他鶴相留我本  
來面目希夷一枕未曾醒笑人世幾回翻局

又 居厚弟生日

俱登瀛館俱還洛社各自健如黃犢不消外監與留  
臺也不要嵩山崇福 我如原父君如貢父且把漢  
書重讀韓公當局等閑過又看到溫公當局

又鄉守趙寺丞生日

去年無麥今年多稼尽是君侯心地向來寺寺總拘  
椿今有不拘椿底寺 省倉展日米場錫價萬落千  
村蒙惠更將補納放寬些便是箇西京循吏

又庚申生日

香芸辟蠹青藜燭閣天上玉書萬軸前迴讀得未精  
詳更罰走一遭重讀 松風如故丹炉如故坐閱人

間陵谷回頭調戲竊桃兒且寧耐等他桃熟

文足痛

有時塊坐有時扶起門外草深三尺山禽肯喚我為  
哥句句道哥行不得 此翁害跛羣兒拍手次第加  
公九錫不消長塵短轅車但乞取一枝鶴膝

又生日和居厚弟

女孫笄珥男孫袍笏少長今朝咸集且留晚節伴寒  
香莫要似春華性急 大招吟了巫咸下了未愛脩  
門重入我儂不做佛渾閑免大雪庭中獸立

又林卿生日

封奏御九重知已不假吹噓送上送今穩穩到蓬萊  
三萬里沒些風浪 臣年雖老臣卿尚少一片丹  
心葵向何須遠比馬賓王且做取本朝神放

又居厚生日

我如龔勝君如龔舍佛袖同歸鄉里共騎竹馬有誰  
存揔喚入耆英社裏 蒼華髮神尚黑黃婆神牌方旺爭  
門翁年今幾一門兩箇老人星直看見孫兒生子

又鄉守趙許院生日

蒲鞭漸弛鈇箭漸少安用知他簾外送今也莫察淵  
魚做到不忍欺田地 四民香火五營笳吹未獻一

杯壽水大家贊祝太夫人長伴取曾侯燕喜

柳梢青賀方聽蛙八十

申白苛留綺園浪出老不知羞輸與先生一枝鶴膝  
一領羊裘 便教賜履營丘爭似把漁竿到頭冷落  
磻溪張皇牧野着甚來由

鷓鴣天腹疾困睡和朱希真詞

前度看花白髮郎平生痼疾是清狂幸然無事污青  
史省得教人奏赤章 遊俠窟少年場輸他羣謝與  
諸王居人不識庾桑楚弟子誰送魏伯陽

又戲題周登樂府

詩變齊梁躰已澆香奩新製出唐朝紛紛競奏桑間  
曲寂寂誰知爨下焦揮綵筆展紅綃十分峭措稱  
妖饒可憐才子如公瑾未有佳人敵小喬

卜筮子惜海棠

盡是手成持合得天饒借風雨于花有底讎着意相  
陵藉做暖逼教開做冷催教謝不負明年花下人  
只負栽花者

又

片片蝶衣輕點點猩紅小道是公天不惜花百種千般  
巧朝見樹頭繁暮見枝頭少道是天公果惜花雨

洗風吹了

又

亂似盃中絲密似風中絮行遍茫茫禹迹未底是無  
愁處好客挽難留俗事推難去惟有翻身入醉鄉  
愁欲來無路

又良翁禮部生日

開閣廣延賢負宸勤求舊應念南宮老舍人閑袖絲  
綸手兩制必當仁五福無過壽且喜新年不要  
天要開元祐

又曹守生朝十二月初六日

東川寧馨兒南國循良守先祀爐熏祝帝堯次祝君  
侯壽 庶致米商舡多釀兵厨酒客有鬚眉似蓋延  
許至華堂否

又燕

已惟社愆期尚喜巢如故過了清明未肯未莫被春  
寒誤 常傍画簷飛忽委空梁去忘却王家與謝家  
別有啣泥處

又茉莉

老圃獻花未異域移根至相對炎官火傘中便有清  
涼意 淡薄古梳粧嫵雅仙標致欲起涪翁再品花

壓了山礬弟

夫仙子

宿雨頻飄洒欢喜殺西疇耕者終朝連夜有珠璣鳴  
瓦漸白水青秧鷗鷺下老學種花兼學稼心兩掛這  
幾樹海棠休也

清平樂 五月十五夜翫月

纖雲掃迹萬頃玻璃色醉跨玉龍游八極歷歷天青  
海碧 水晶宮殿飄香羣仙方按霓裳消得幾多風  
露變教人世清涼

又

後集卷六  
風高浪快萬里騎蟾背曾識姮娥真體態素面元無粉黛身游銀闕珠宮俯看積氣濛濛醉裏偶搖桂樹人間喚作涼風

又贈陳參議師文侍郎

宮腰束素只怕能輕舉好築避風臺護取莫遣鷺鴻飛去一團香玉溫柔笑顰俱有風流貪與蕭郎眉語不知舞錯伊州

又丹陽舟中作

休彈別鶴淚與絃俱落歡事中年如水薄懷抱那堪作惡昨宵月露高樓今朝煙雨孤舟除是無身方

了有身長是閑愁

又居厚弟生日

冰輪萬里雲卷天如洗先向海山生大士却誕卯金之子冰盆荔子堪常胆瓶茉莉尤香震旦人人炎熱補陀夜夜清涼

又居厚弟生日

人間喘汗無計翻銀漢有箇聖人來震旦燕坐補陀巖畔吾聞佛壽難量待看海底生桑乞取淨瓶一滴普教大地清涼

好事近

壬戌生日  
和居厚弟



老不記生朝慙愧阿連書尺雪鬢霜髭不管管眼腰  
黃赤待將心事自箋天莫費子公力乞賜先生處  
士換一張黃勅

菩薩蠻 戲林推

小鬟解事高烧燭羣花圍繞擗蒲局道是五陵兒風  
蠶滿肚皮玉鞭鞭玉馬戲走章臺下笑殺灞橋翁  
騎驢風雪中

憶秦娥 暮春

遊人絕綠陰滿野芳菲歇芳菲歇養蠶天氣采茶時  
節節枝頭杜宇啼成血陌頭楊柳吹成雪吹成雪淡

煙微雨江南三月

又 上巳

脩禊節晉人風味終然別終然別當時賓主至今清  
絕等閑寫就蘭亭帖豈知留與人間說人間說永  
和之歲暮春之月

又

泥滑滑一聲聲喚征鞍發征鞍發客亭楊柳不禁攀  
折荀郎衣上香初歇蕭娘心下書難說書難說霎  
時吹散一生愁絕

又

春醒薄夢中。越馬豪如昨。豪如昨。月明橫笛曉寒吹。  
角。古來成敗難描摸。而今却悔當時錯。當時錯。缺  
衣尤在不堪重著。

又

梅謝了。塞垣凍解鴻歸早。鴻歸早。憑伊問訊大梁遺  
老。浙河西面邊聲悄。淮河北去炊煙少。炊煙少。宣  
宮殿冷煙衰草。

西江月

腰痛舊傳陳復齋  
名方歲久失之

孫邈方書去。失休文老病來。攻新率筋力太龍鍾。腰  
似鉄猫兒重。雅拜怎生措筭。徐行也要扶筇。田翁

邀飲不能從。難伴諸公上雍。

朝中措 元質侍郎生日

恰為仙佛做生辰。公又緩麒麟。黑白幾杆屢變丹青。  
百奏如新。都門餞底。洛中画底。莫是前身。雖老不  
扶靈壽。有時更上蒲輪。

又 良翁生日

受持鼻祖五千言。留得谷神存。伴我賦詩茅屋。饒渠  
待詔金門。此翁歲晚。有書充棟。有酒盈樽。君看多  
花早落。孰如仙李蟠根。

又 良翁生日

仙風道骨北山翁萬卷著曾中  
渙若官情冰釋忤  
醉面桃紅 千林凍槁一枝雪  
艷消息先通顏色  
青精餽姓名在碧紗籠

又陳左藏生日

海天萬頃碧琉璃風露洗炎曦  
鸚鵡綠毛道漫蟾  
雪色追隨 分明未處補陀大士  
先後同時覓取善  
財童子膝邊要箇絲兒

後村集卷之六十